

დადგენილება #ე.პ. 0470-20
გაფრთხილების სახით ადმინისტრაციული სახდელის
დადების შესახებ

თბილისი

19 ნოემბერი 2020

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სამართლებრივი უზრუნველყოფის განყოფილების იურისტი -
ნინელი ბოჭორიშვილი

2. საქმის განხილვის თარიღი: 2020 წლის 19 ნოემბერი

3. ცნობები პირის შესახებ, რომლის მიმართ განიხილება საქმე:

შპს „ჩხოროწყუ“

მდებარე: იურიდიული მისამართი -- ჩხოროწყუს რაიონი, სოფელი ლესიჭინე, 1 ქუჩა #71

საიდენტიფიკაციო კოდი #442263701

ფაქტობრივი ადგილსამყოფელი: მცხეთის რაიონი, სოფელი ნატახტარი

.....

4. საქმის განხილვისას დადგინდა შემდეგი გარემოებები:

მიმდინარე წლის 17 ნოემბერს მცხეთის რაიონის სოფელ ნატახტარში, აბონენტ #4110531420 აღრიცხვის კვანძის დათვალიერებისას აღმოჩნდა, რომ აბონენტის აღრიცხვის კვანძზე მრიცხველის გვერდის ავლით დაერთებულია სამფაზიანი სადენი, ხოლო ამ სადენზე დაერთებულია შედუღების აპარატი (15კვტ.) შპს „ჩხოროწყუ“ აწარმოებდა ჭაბურღილის მშენებლობის სამუშაოებს, სამუშაოები დაიწყო 11 ნოემბრიდან. ადგილი ჰქონდა ელ.ენერგიის დატაცებას. ადმინისტრაციული სამართალდარღვევის #009006 ოქმს ხელი მოაწერა შპს „ჩხოროწყუ“-ს წარმომადგენელმა, გიორგი ჯალაღონიამ, რომელმაც აღიარა სამართალდარღვევის ჩადენის ფაქტი და განმარტა, რომ სადენების დაერთება მოხდა მის მიერ, არ იცოდა რომ მოხმარებული ელ.ენერგიის აღრიცხვა არ მოხდებოდა მრიცხველით, ხაზზე დაერთებული ჰქონდა 15 კვტ-იანი შედუღების აპარატი. საქმეში

სს „ენერგო-პრო ჯორჯია“

წარმოდგენილია 17.11.2020წ შედგენილი აღრიცხვის კვანძის შემოწმება-მიღების აქტი #710001, სადაც ასევე აღნიშნულია, რომ შპს „ჩხოროწყუ“ მრიცხველის გვერდის ავლით მოიხმარდა ელ.ენერგიას. შპს „ჩხოროწყუ“-ს მიერ ელექტროენერგიის დატაცება წარმოადგენს პირველ შემთხვევას, რაც დასტურდება შსს საინფორმაციო-ანალიტიკური დეპარტამენტის საინფორმაციო ცენტრის მიერ 2020 წლის 18 ნოემბერს ელექტრონულად გამოგზავნილი ინფორმაციით. საქმეს ასევე ერთვის ფაქტის ამსახველი ფოტო და ვიდეო მასალა. შპს „ჩხოროწყუ“-ს წარმომადგენელს ეცნობა საქმის განხილვის დროისა და ადგილის თაობაზე. შეტყობინების ჩაბარებისას წერილობით აღნიშნა, რომ სხდომას ვერ დაესწრება და ითხოვა წარმომადგენლის დასწრების გარეშე იქნას განხილული ადმინისტრაციული სამართალდარღვევის საქმე. ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (ადმინისტრაციული სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; ამონაწერი სამეწარმეო რეესტრიდან; ფოტომასალა; შეტყობინება.), რომელთა მეშვეობითაც დგინდება შპს „ჩხოროწყუ“-ს მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელექტროენერგიის დატაცება. სამართალდარღვევის ოქმი შედგენილია ასკ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის 12.08.10 #14 და 18.09.08 #20 დადგენილებით; ს/ს „ენერგო-პრო ჯორჯიას“ გენერალური დირექტორის 17.09.10 RU #2010009 წესით, 26.06.19 or #2019034 ბრძანებით და

დავადგინე:

6. შპს „ჩხოროწყუ“ (ს/კ 442263701) ცნობილ იქნეს ადმინისტრაციულ სამართალდამრღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:
ნინელი ბოჭორიშვილი

